

Paragraf 37 atorlugu, Naalakkersuisunut apeqquteqaat meeqqanik kinguaassiutitigut atornerluisartut pillugit:

Apeqquutit:

1. **Paragraf 37 nr. 072 2016-imeersoq akissutiginerani ima ersarissaateqarpoq, pinerluttulerinermut inatsik § 79-imi pinerluttup meeqqap ukiui ilisimasimappagit imaluunniit mianersuaalliortumik iliuuseqarsimappat, meeqqanik 15-it inorlugit ukiulinnik atoqateqarneq allatulluunniit kinguaassiutitigut atuineq pinerlunnertut taaneqarpoq.**
 - a. **Inatsimmik atuutsittinermi pineqaatissiinermilu qanoq immikkoortittiva assersuutit imaattut marluk aallaavigalugit: Inersimmasoq, 18-it sinnerlugit ukiulik, meeqqamik assersuutigalugu 10-it inorlugit ukiulimmik kinguaassiutitigut atornerliusarsimappat piffissap sivisuup ingerlanerani arlaleriarluni. Assersuutip aappaa 18-inik ukiulik 14-inik ukiulimmik atoqateqarsimappat?**
2. **Eqqartuussivik pineqaatissiinermi ilitersuutit imaluunniit maleruagassanik peqarpa, pinerluttulerinermut § 79-ip atuutsinneqarnerani?**
3. **Maleruagassaqaqngippat imaluunniit ilitersuuteqaqngippat, qanoq pineqatissiinissaq aalajangersarneqartarpa?**
4. **Pineqaatissiinerit pinerluttulerinermut inatsimmi §79 unioqqutitsinermi, periarfissani inatsimmi § 119, imm. 1-imi allassimavoq, eqqartuussivik assigiinngitsunik pineqaatissiinnaasoq. Pineqaatissiinerit sakkukinnersaat mianersoqqusinermut tunngasuuvoq, sakkortunerpaaq pinerluuteqarsimasunik inissiisarfirmut inissinneqarnissamut tunngasuulluni. Pinerluuteqarsimasunik inissiisarfirmut inissiineq pinerluttulerinermik inatsimmi § 147, imm. 1 naapertorlugu ukiunit 10-inik sivilunerusinnaangilaq.**
 - a. **Pinerluttulerinermut inatsit § 79-imi unioqqutitsisimasut kingulliit tallimat pineqaatissinneqartut, suna pineqaatissiisutigaat, Sermersuup politiivisa susasaqarfianni?**
5. **Pinerluttulerinermut inatsimmi meeqqanik kinguaassiutitigut atornerluineq immikkut pineqaatissiinissamut, assersuutigalugu ukiut aalajangersimasut, minnerpaaffissamik maleruagassaqaqarpa imaluunniit paragraffeqarpa?**

(Inatsisartuni ilaasortaq Jens-Erik Kirkegaard)

Tunngavilersuut:

Kinguaassiutitigut meeqqanik kannguttaatsuliortarneq misissuiffigineqarnikuuvoq nalunaarusiallu arlallit kalaallit inuiaqatigiit akornanni qanoq annertugisumik atugaanerannik takutitsisut saqqumertinneqarnikuullutik. Ajouraluartumik kisitsisit takutittuarpaat, innarliisarnerit ikiliartunngitsut. Ullumikkut pineqaatissiseeriaaserput, inuiaqatigiinnut akulerutsitseqqinniarnermik siunertaqartoq ajunngitsortaqaraluarluni, taamaattoq allatut isigisariaqarput meeqqanik kinguaassiutitigut atornerluinermik pinerlunnerit. Pineqaatissiisarnerit sakkukippallaarpat? Isumaqarpunga meeqqat illersor-

niarlugit qaammarsaaneq, pinaveersaartitsineq malunnaatilimmillu sakkortunerusumik pineqaatis-
siisarneq imaluunniit paarnaarussineq pisariaqalersut.

Kissaatigaara apeqqutikka ullut suliffiusut 10 iluanni akineqassasut.